

Panel diskusija na temu „Garancija lokalne autonomije u FBiH kroz usklađenost sa standardima Evropske povelje o lokalnoj samoupravi“

Panel 2. Utvrđivanje i organizacija rada službi za upravu i drugih službi jedinica lokalne samouprave u FBiH

Imajući u vidu da je Savez općina i gradova Federacije Bosne i Hercegovine 2011. godine potpisao Sporazum o saradnji sa Vladom Federacije Bosne i Hercegovine čiji su ciljevi usmjereni na implementaciju zajedničke koordinacije i efikasnog institucionalnog dijaloga u implementaciji aktivnosti za unaprijeđenje sistema lokalne samouprave, te uzevši u obzir da je Savez općina i gradova Federacije Bosne i Hercegovine 2019. godine potpisao Sporazum o saradnji sa Predstavničkim/Zastupničkim domom Parlamenta Federacije Bosne i Hercegovine kojim je, između ostalog, propisano da su potpisnici Sporazuma saglasni da će u procesu donošenja zakona i drugih akata koje donosi Predstavnički/Zastupnički dom u okviru dozvoljenih ustavnih, zakonskih i poslovnčkih procedura zajedno djelovati u parlamentarnim procedurama, donosimo sljedeće zaključke:

ZAKLJUČCI

1. Uvažavajući činjenicu da je Zakon o principima lokalne samouprave u Federaciji Bosne i Hercegovine *lex specialis* propis, kojim se uređuju sva pitanja od značaja za funkcionisanje jedinica lokalne samouprave kao zasebne oblasti sa svojim jasnim i specifičnim potrebama, načinom rada i funkcionisanja, **Savez općina i gradova Federacije Bosne i Hercegovine i ovim putem naglašava i upućuje apel prema izvršnoj i zakonodavnoj vlasti u Federaciji Bosne i Hercegovine da izvrše zakonsku obavezu usklađivanja propisa za Zakonom o principima lokalne samouprave u Federaciji Bosne i Hercegovine utvrđenu članom 58. ovog Zakona na način da se izvrši prenos poslova i nadležnosti, kao i odgovornosti dodijeljenih jedinicama lokalne samouprave.**
2. **Tražimo od Federalnog ministarstva pravde** da na tragu svog Odgovora broj: 06-02-556/08 od 29.07.2008. godine, a vezano za primjenu Zakona o principima lokalne samouprave u Federaciji Bosne i Hercegovine i Zakona o organizaciji organa uprave u

Federaciji Bosne i Hercegovine dostavljenog Savezu općina i gradova FBiH 2008. godine, **Vladi Federacije Bosne i Hercegovine uputi inicijativu za usklađivanje člana 49. stav 4., člana 50. stav 3. i člana 52. stav 1. tačka (3) i (4) Zakona o organizaciji organa uprave u Federaciji Bosne i Hercegovine („Službene novine FBiH“, broj: 35/05) sa odredbama člana 15. Zakona o principima lokalne samouprave u Federaciji Bosne i Hercegovine („Službene novine FBiH“, br. 49/06 i 51/09)** uvažavajući poseban karakter i prioritet Zakona o principima lokalne samouprave u Federaciji Bosne i Hercegovine u reguliranju pitanja koja se odnose na lokalnu samoupravu u Federaciji Bosne i Hercegovine. Podsjećamo da je u ovom aktu Federalnog ministarstva pravde navedeno da se Zakon o principima lokalne samouprave u Federaciji Bosne i Hercegovine treba primijeniti „kao *lex specialis* jer se njime posebno reguliraju nadležnosti izvršne i zakonodavne vlasti jedinica lokalne samouprave u odnosu na Zakon o organizaciji organa uprave u Federaciji Bosne i Hercegovine, kojim se regulira organizacija organa uprave općenito na svim razinama vlasti“.

3. **Napominjemo da je Komisija za lokalnu samoupravu Predstavničkog doma Parlamenta Federacije Bosne i Hercegovine na sjednici održanoj 21.12.2023. godine, odlučujući po Zahtjevu Saveza**, usvojila zaključke koji se odnose na potrebu usklađivanja člana 49. stav 4., člana 50. stav 3. i člana 52. stav 1. tačka (3) i (4) Zakona o organizaciji organa uprave u Federaciji Bosne i Hercegovine („Službene novine FBiH“, broj: 35/05) sa odredbama člana 15. Zakona o principima lokalne samouprave u Federaciji Bosne i Hercegovine („Službene novine FBiH“, br. 49/06 i 51/09) uvažavajući poseban karakter i prioritet Zakona o principima lokalne samouprave u Federaciji Bosne i Hercegovine u reguliranju pitanja koja se odnose na lokalnu samoupravu, odnosno na potrebu formiranja radne grupe koja bi uključivala predstavnike Komisije za lokalnu samoupravu i Saveza sa zadatkom utvrđivanja liste zakona sa federalnog nivoa koje je potrebno usaglasiti sa Zakonom o principima lokalne samouprave u Federaciji Bosne i Hercegovine.
4. **Pozivamo Predstavnički dom Parlamenta Federacije Bosne i Hercegovine** da još jednom razmotri zaključke Komisije za lokalnu samoupravu koje je Komisija usvojila na sjednici održanoj 21.12.2023. godine.